



Broj: 01-03.1-9814-1/25-AP
Datum: 13.10.2025. godine

Za: Parlament Federacije Bosne i Hercegovine
Predstavnički/Zastupnički dom
Adresa: Hamdije Kreševljakovića br. 3
71000 Sarajevo

Za: Vlada Federacije Bosne i Hercegovine
Ured tajnika
Adresa: Hamdije Čemerlića br. 2
71000 Sarajevo

Za: Vlada Federacije Bosne i Hercegovine
Federalno ministarstvo prometa i komunikacija
Adresa: Tvrtka Miloša bb
88000 Mostar

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 17-10-2025			
Org. jed.	Broj	Priloga	Vrijednost
05/1	-02-	522	/25

Predmet: ODGOVOR NA ZASTUPNIČKO PITANJE – BAJRO MEKIĆ

Poštovani,

Dobili smo Dopis broj 03-04-1646-36/25 od 02.10.2025. godine sa zastupničkim pitanjem zastupnika Bajre Mekića, koje je postavio na 24. redovitoj sjednici Zastupničkog doma Parlamenta Federacije Bosne i Hercegovine održanoj 25.09.2025. godine, te Vam na isti dostavljamo odgovor.

U vezi sa zastupničkim pitanjem kojim se traži dostava *Srednjoročnog programa održavanja, zaštite, rekonstrukcije, izgradnje i obnove magistralnih cesta*, obavještavamo Vas da je predmetni Program još uvijek u izradi. Naime, JP Ceste Federacije BiH imaju usvojen Trogodišnji Plan poslovanja JP Ceste FBiH za period 2025. - 2027. godina od strane Vlade FBiH, Odluka V broj: 1538/2025, a koji je sačinjen je na osnovu odredbi Zakona o javnim preduzećima u Federaciji BiH i člana 34. Statuta JP Ceste FBiH.

Razlog zašto je Program održavanja, zaštite, rekonstrukcije, izgradnje i obnove još uvijek u izradi je činjenica da su u toku pregovori sa međunarodnim finansijskim institucijama u cilju definiranja novog „Investicionog Programa za izgradnju, rekonstrukciju i rehabilitaciju magistralnih cesta u Federaciji BiH“, koji je ključan za izradu navedenog dokumenta.

Vlada Federacije BiH je na sjednici održanoj 20.10.2023. godine usvojila Informaciju i donijela Zaključak broj: V 1523/23, kojim je zadužila nadležno Federalno ministarstvo prometa i komunikacija i JP Ceste Federacije BiH da nastave aktivnosti i razgovore sa međunarodnim finansijskim institucijama, u cilju pripreme za kreditno zaduženje po osnovu navedenog investicionog programa.

Programom su predviđeni projekti podijeljeni u dvije osnovne grupe:

- projekti **rehabilitacije kolovoza magistralnih cesta** (na temelju analize iz dTIMS-a), i
- projekti **izgradnje i rekonstrukcije** (nastavak izgradnje i završetak započetih projekata u okviru Programa „Modernizacija cesta u Federaciji BiH“).

Opći cilj Programa je poboljšanje stanja magistralne cestovne infrastrukture u Federaciji BiH. Očekivani rezultati uključuju uspostavu efikasnijeg i sigurnijeg prometnog sustava kroz: smanjenje vremena putovanja, povećanje sigurnosti svih učesnika u prometu, smanjenje troškova održavanja i upravljanja, povećanje otpornosti cestovne infrastrukture na klimatske promjene te otklanjanje uskih grla u prometu oko većih gradova.

Trenutno su u toku pripremne aktivnosti, koje se provode u koordinaciji Federalnog ministarstva prometa i komunikacija, Federalnog ministarstva financija i JP Ceste Federacije BiH, a koje su neophodne za zaduživanje i daljnje korake prema međunarodnim finansijskim institucijama.

Po završetku navedenih aktivnosti i usvajanju Programa od strane Vlade Federacije BiH, isti će biti dostavljen Parlamentu Federacije BiH.

S poštovanjem.

Dostaviti:

- Naslovu
- Sektoru ekonomsko – finansijskih poslova
- A/a



Ljubo Pravdić, dipl.ing.građ.